

զաքս և երթիցեն 'ի բաց, և և հեռացուցեն զմարքիչն 'ի Տիւրոսէ: և և ինքն ընդ եղբօր իւրոյ Մէլիք Ատիւլայ էջ յԱսկաղոն, և պաշարեաց զքաղաքն. իսկ Լատինք ետուն զայն 'ի փրկանս թագաւորին իւրեանց. ելին և մեկնեցան անտի, որոյ բազում աշխատութեամբ տիրեալ էին վաստակեալ ամս իբր 30. կորուսանելով զբազմաթիւ զինուորս և զինչս ամրացուցեալ զնա յամենայն կողմանց: Յետ այնորիկ էառ Սուլթանն զՌէմլէ, զԲեթղեհէմ և զԲերրոն, և նստաւ անդ մինչեւ յանձն արարին զամրոցսն Տարումայ Նաթրոնի և Պէյթ Ճիպրէլի:



### Գ Լ Ո Ի Խ Ի Բ .

Առումն Երուսաղէմի 'ի Սալահատինէ և և զանազան անցք նորին: Տուն Յովակիմայ և և Աննայի: Տաճար Ս. Յակոբայ: Գաշնագիր Սալահատինի: սղալքն հանգերձ:

**ՍԱԼԱՀԱՏՏԻՆ** որ այսչափ յաղթահարեալ տազնապեցոյց զԼատինս, խորհէր տակաւին հարկանել և և վիրաւորել զնոսա 'ի սիրա և 'ի հողի, և իսպառ ջնջել և հեռացուցանել յերկրէն Պաղեստինոյ. ուստի 'ի ձեռն լրտեսաց ծանեալ թէ ո՛րք ոմանք մնացեալ էին յերուսաղէմ, և և ո՛րպիսի զօրութիւնն նոցա, և թէ ո՛րպէս իշխանք և ասպետք և Պատրիարզն կղերականօք պաշարեալ յերկիւղ և 'ի արամութիւն, խորհէին գտանել զելս իրաց. և եկեալ բազմութեամբ զօրաց յաւուր կիւրակէի, էջ յարեւմտեան կողմն քաղաքին, և առաքեսց պատգամաւորս առ ամրականս եղեալ առաջի նոցա զպէսպէս պայմանս. զի տացեն զքաղաքն, և և զերծուցեն զնա 'ի վտանգէ պաշարման. բայց քրիստոնեայք մերժեցին զպատգամս նորա և ոչ ընկալան, և սկիզբն եղեւ պաշարման քաղաքին սրբոյ. ըզհիւսիսային և զարեւելեան կողմանս քաղաքին սահմանեաց լինել նպատակ յարձակման: Լատինք եւս պատրաստեցան 'ի ներքուստ, 60,000 զօրս կացուցին 'ի ներքին կողմն քաղաքին ընդգէմ բանակին այլազգեսաց, և իշխան քաղաքին